

Na osnovu člana 4. Odluke o utvrđivanju uslova i postupka za ostvarivanje prava učešća građana u dodjeli pčelarske opreme na području Općine Stari Grad (košnice tipa LR) broj: 01-05-4-264/17 od dana 10.02.2017.godine, Načelnik Općine Stari Grad Sarajevo objavljuje:

JAVNI POZIV za predaju zahtjeva za dodjelu pčelarske opreme (košnice tipa LR)

1.PRAVO PRIJAVE NA JAVNI POZIV

Pravo podnošenja prijave za predaju zahtjeva za dodjelu pčelarske opreme (košnice tipa LR) imaju pčelari sa mjestom prebivališta i košnicama sa pčelinjim društvima (pčelinjake) na području Općine Stari Grad Sarajevo.

2.USLOVI ZA DODJELU PČELARSKJE OPREME (košnice tipa LR)

Pravo na dodjelu pčelarske opreme mogu ostvariti pčelari koji ispunjavaju sljedeće uslove:

Uslovi za ostvarivanje prava učešća pčelara su:

Opći uslovi :

1. Da podnosilac zahtjeva ima mjesto prebivališta, zemljište i košnice sa pčelinjim društvima (pčelinjak) na području Općine Stari Grad;
2. Da je zakonski korisnik zemljišta (vlasnik, posjednik, nosilac prava korištenja i drugo);
3. Da košnice sa pčelinjim društvima pripadaju poljoprivrednom gazdinstvu, odnosno da su na posjedu gdje podnosilac zahtjeva stanuje;
4. Da košnice sa pčelinjim društvima nisu u blizini glavne saobraćajnice.

Posebni uslovi:

1. Da poljoprivredno gazdinstvo ima tradiciju u pčelarskoj proizvodnji (proizvodnja meda i prerada pčelinjih proizvoda);
2. Da ukoliko dobije pčelarsku opremu, u naredne tri godine poveća broj pčelinjih društava u cilju razvoja pčelarske proizvodnje na području Općine Stari Grad.

Opće uslove pod tačkama od 1. - 4., osim tačke 2. na licu mjesta i foto dokumentacijom konstatuje Komisija za dodjelu pčelarske opreme (u daljem tekstu: Komisija) koju imenuje Općinski Načelnik. Svaki navedeni uslov bodovat će se prema posebnom aktu koji će utvrditi Komisija.

3.POTREBNA DOKUMENTACIJA

Uz zahtjev za dodjelu pčelarske opreme potrebno je priložiti dokaze o ispunjavanju uslova iz Javnog poziva kao i druge dokaze, originale ili ovjerene fotokopije dokumenata koji ne mogu biti stariji od 6 mjeseci:

1. Dokaz da je zakonski korisnik zemljišta: Prepis posjedovnog lista nadležne općinske službe ili kupoprodajni ugovor zakonski ovjeren;
2. Kopija lične karte i kopija prijave o mjestu boravka za podnosioca zahtjeva i
3. Kućna lista.

4. PODNOŠENJE ZAHTJEVA I DOKUMENATA

Obrasci zahtjeva za dodjelu pčelarske opreme mogu se podići u šalter Sali Općine Stari Grad. Zahtjevi sa pratećom dokumentacijom se predaju na šalteru protokola u zgradi Općine Stari Grad, ulica Zelenih beretki br.4, sa naznakom: Služba za privredu i finansije - Prijava na **Javni poziv za dodjelu pčelarske opreme**

Sve dodatne informacije mogu se dobiti u Službi za privredu i finansije, soba 416, IV sprat.

5. PROCEDURA DODJELE PČELARSKE OPREME

Proceduru dodjele pčelarske opreme pristiglih zahtjeva izvršit će Komisija za dodjelu pčelarske opreme terenskim obilaskom pčelinjaka svakog prijavljenog pčelara, formiranjem foto dokumentacije i sačinjavanjem zapisnika (tabelarno). Odluku o dodjeli pčelarske opreme donosi Načelnik Općine Stari Grad Sarajevo na prijedlog Komisije.

Svako lice kojem po ovom Javnom pozivu bude dodijeljena pčelarska oprema na dan dodjele potvrdit će potpisom o prijemu opreme.

6. FINANSIJSKA SREDSTVA

U Budžetu Općine Stari Grad za 2017.godine pod stavkom Projekti iz oblasti pčelarstva, obezbijedena su sredstva u iznosu od 10.000,00 KM u okviru kojih će se izvršiti nabavka i kupovina pčelarske opreme.

7. NAPOMENA

1. Zahtjevi sa nepotpunom dokumentacijom neće biti razmatrani.
2. Rok za podnošenje prijave na Javni poziv je 10 dana od dana njegovog objavljivanja na Oglasnoj ploči Općine i oglasnim pločama Mjesnih zajednica Općine Stari Grad i web stranici Općine Stari Grad.
3. Proceduru odabira pristiglih zahtjeva za dodjelu pčelarske opreme izvršit će Komisija za dodjelu pčelarske opreme, a Odluku o dodjeli donosi Načelnik Općine Stari Grad na prijedlog Komisije.
4. O rezultatima Javnog poziva podnosioci zahtjeva će biti obaviješteni pismenim putem, putem oglasne ploče i web stranice Općine Stari Grad, a mogu se i lično informisati u Službi za privredu i finansije, soba 416, IVsprat.

OPĆINSKI NAČELNIK
Mr.Ibrahim Hadžibajrić, s.r.

Sarajevo, 27.02.2017. godine.